



FAINA

Ram changkang apiang an fai. In-dia ram pawh kan changkan hleih theih lohna chhan chu kan fai loh em vangte hi a ni pakhat ang. Ram changkang zawkte chuan an hnawmhnawkte tha takin an sawngbawl thin. Sap ram leh khawchhak rama zin tawhten an sawi ziah chu an faina hi a ni thin. A mihringa te leh an kawthler a fai em em a ni.

Fai hi zir theih a ni a, thil awlsam tak mahse taimak ngai a ni. Fai tur chuan in uluk a ngai a, in sil ngun a ngai baw. Tin, kan in leh a velte pawh hawl fai ngun a ngai. Fai hi a hrisel baw a ni. Tin, ran kan vulh anih phei chuan hna kan ngah lehzuat a ni tih kan inhriat a tha. Thenawm khawveng ten an nin ngawih ngawih kan ni thei a ni. Chuvang chuan thenawm khawveng tana hnawksak lo zawnga vulh te pawh kan tum a pawimawh viau awm e.

Veng fai ber pawlah kan tel ta a, a ber erawh kan la ni lo. Hmabak tam tak kan la nei a ni tih chu veng mipuite a hrechiang bertu kan ni awm e. Mahni in leh a vel fel fai takin enkawl hian kawng ro a su hle a, fai taka kan enkawl theih chuan hnatlang te pawh hi koh fo a ngai lovang. Tin, kan bawlhhlawhte a remchanga paih mai lovin a paihna tur dik takah paih thin ila, tuihawk luankawr hi bawlhhlawh paih nana siam a ni lo tih kan hria, mahse kan paih leh thin. Fur ruahtui a lo tlakin kan hnawmhnawk kawmthlang ten an buaipui leh thin.

Fai hi hmasawnna a ni a, mihringte min tizahawmtu a ni baw. Kan pi pute ai chuan nasa takin kan fai tawh zawk; hma kan sawn vang a ni. Hmasawnna in a ken tel faina hi kan rilruah tuh thar ila, tun aia fai zawk a khawsak tum thar ila. Veng fai ber kan nih theih nan chhung tin, mimal tinte tang thar sauh sauh ang u.



BUNGZUNG DIL

Tuan leh mang ata tawha awm tawh, a awm tan ni hriat theih tawh loh chu hnâr dang a neih hriat ni baw si lo, kumkhaw tlai tluana awm reng mai a ni a. Bungzung khaw hmâr lam tlâng pahnih kârcheh ruama awm a ni. Tlângah hian tûnah chuan Middle School leh Damdawi in a ding tawh a. Hmânlai chuan ngâw kâra awm a nih avângin sa in a tlan thin a, sai thleng hian an bâng lo va, sai kalna khân sai-tluang hmun hlui te a awm bâkah saihum pawh a bulah hian a awm a ni.

Naupang chu sawi loh nula leh tlangval, nu leh pa chen hian an chêng luai luai mai thin a. Bungzung khaw chhuak tui hleuh thiam lo an awm lo tih tûr khawpin an chêng nasa a. Kangvâra mangkhawh hawngte hian insilfai nân tak an hmang a, an inchiah in an chêng luai luai thin a ni. Thal lai phei chuan insûk nân pawh hmun remchang leh tui tangkai tak a ni a, thawmhnaw sûk lah chu a fai duh hle niin an sawi nghe nghe. Thâlah luang chhuak lêm lo mah se, fûrah chuan a luang liam a, a tam hle thin.

Fûr a lo intan tawh hi chuan a mak a mak in dil vêlah chuan chungû a puang chiam mai thin a, fûr tluan in an awm a, notê te an nei a, an hrâm chuah chuah zêl a; inkhawmpui nei-a, hla tui taka sa-a zai ang mai hian an inchoawn chur chur a. Khuangpu in hla an la hmasa ang mai hian pakhatin bul a han tan tawh hi chuan tawp ta'ng e, tih tum hek lo le, an hrâm tlaivâr zak tawh mai thin zuk nia!

He dil hi Y.M.A lamin an khuap tha ta deuh a. A dung hi metre 50 vêl a ni a, a vâng hi a laiah a kiar zâu deuh a, a zauhna laiah chuan metre 20 vêl baw a ni; a thûk zawng chu feet 7 vêl a tling baw. Tûnah chuan Y.M.A in an humhalh tha a, sangha te khawiin thâlah an man a, Y.M.A sum atân an hralh thin a. A cheibawl lam pawh an hma nghâl vek a; dil vêt chhuak vek hian kawngpui an sial tlang ruih mai baw a ni. Lèn khaw thawn nâna hmun thengthaw leh phûl hmun nuam tak a ni a, nula leh tlangvalte tân pawh lènvahna ber a ni.

Chu bakah khawchhunga awm ti ila, khaw bul te volleyball court thlangah a awm tawh, khua in a than hnan ve tawh avângin, hei bakah a bul velah chawlhbûk te pawh an sa tawh baw.

Kum 2011 chhiarpuiah khan Bungzung hi in 225 a ni a, mihring hi 1038 ni in, mipa

523 leh hmeichhia 515 an ni. Bungzung hi Khawbung block huam chhunga awm ni in, Champhai district a awm a ni baw.

Tûn hma, Lal lal laia an khaw Lalpa chu Laltawna Sailo a ni a, Sailo Lal hmingthang Vuttaia thlah zînga Biate Lal ropui Kairûma fapa kha a ni. Kum 1908-a Laltawna Ralvawng aţanga Bungzung a kai kum 100 tlin champhaphâk (Centenary) chu kum 2008 khan an lâwm a ni. An khaw hming putu bung pawh hmuh theih in a la awm a; mahse, a kungpui tak chu a thi tawh a, a tiang chawr aţanga lo thanglian chu tih tham tak a tling tawh a ni.

LÙN DIL

Lùn Dil hi Kawlkulh leh Hliappui (N.E Bualpui) inkâr motor kawngpui chhaka awm a ni a, dil nung; thâlah pawh kang chat ngai lo a ni. Lian lem lo mah se, dil rak tak mai a ni a. Tûn hma chuan sa chi tinrengin an tlan luih luih mai thin a. Ramsa hêng - sai leh ramsial te pawhin an tlan baw thin. He dil hi sai-tluang te hian a chhun reih ruih mai a.

Sapui thi tûrte hian dil hi an pan thin avângin dilah hian sainghote pawh a awm an ring. A hming pawh hi hetiang a ramsate'h an tlan nasat em avâng leh an hniak te hi a chiah chek chuk mai a, dil lùn tak a nih avângin "Lùn Dil" an vuah phah ta a ni, an ti.

Lùn dil hi Aizawl aţanga Kawlkulh pelh hnuah Ngopa lam kawnga kalin km 135 a hla Hliappui thlen hma kawng chhaka awm a ni. Tûnah chuan a vêl hi an vât chereu in a phûl hle tawh a, sa pawhin an tlan ta meuh lo a tih theih. Sangha dil leh leiletah Pakunga (fam) Saron Veng, Aizawl chuan a nei a. A dil hi chhawng thumin an siam a, a zau zâwng hi a dung hi metre 50 vêl a ni a, a vâng hi metre 10 a ni.

Lùn dil awmna tlâng dung, tlâk lam hi khâm hlir a ni a, a hnuai chu Saichal ram a ni. Tûn hma chuan he khâm chhawrdawhah hian sathâr an tam thei hle a, an tam zia hi hrihlfâk a tling. Tûnah erawh chuan a hming chuan a la awm a ni. Chuvângin humhalh that a duhawm hle mai.

FREE SERVICING, FREE SERVICING

Tui filter current hmang, eng company pawh, kan hnen atanga lei leh lei lo pawh a thlawn in Ramhlun North huam chhung tan servicing kan tih sak thei e.

Spare parts chikim kan kaw l baw e.

Ph: 8787597708/ 9362300611/8415901776

Editor: Eddie Lalfakzuala (7005269255); **Jt. Editor-te:** Lalrotluangi Zote, RK Lalmuanpuia, Lalhuntluanga, Vanengmawia
Manager: C. Lallianzuala (9862365843); **Asst. Manager-te:** Zodingliana, Lalrinchhana, Lalrinawma
Circulation Managers: PB Lahuapzauva, Samuel Lahlpuia, Hmingthanazuala, Vanlalrinkima, R. Zodinsanga, Zothankhuma, Lalrinchhana, K. Lalmuanpuia

MARYMA	PHEK 3-NA	RN YMA CHANCHINBU
 ZIN & HAW ■ Nl. Lalrokimi, ECM, chhungkaw thila Biate-a zin chu a lo haw leh ta. ■ Pu Jonathan C. Lalrintluanga, N-Sec. Asst. Leader chu Kolkata-ah in check-up turin an kal. ■ Nl. Lalremsangi Ralte S-Sec. c/ m hna thila Champhai a zin chu a lo haw leh ta. ■ Pu Lalmalsawma, LC Chairman chu chhungkaw pawimawh buaipuiin Champhai-ah a zin. ■ Dr. Vanlalthlana, Bialtu MLA chuan Govt. Primary School Khawrihnim, Centenary lawmnaah Khuallian niin hun a hman pui. ■ Tv. Malsawmzuala s/o R. Laldinliana, N-Sec. chu Kolkata-ah in check-up turin a thang mek. ■ Tv. Jason Lalbiakhlua s/o Pu Lalbiakthuada, N-Sec. chu Delhi lamah thiante inneih hmangin a zin. ■ Pu Richard Lalsangzela, C-Sec. te nupa chu an hna thawhna hmun Khawzawl atangin training turin an lo haw. ■ Pi Helen Laldawngliani w/o Haulianthanga, V-Sec. chu hna pawimawh buaipuiin Guwahati-ah a zin. ■ Pu C. Ruatvela, C-Sec. chhungkaw thil a Vaphai a zin chu a lo haw leh ta. ■ Nl. Lalrempuii Varte d/o Pu Vanlalfaka, N-Sec. chu a hna thawhna hmun Keifangah a kal leh ta. ■ Tv. Lallawmsanga s/o Lalsangliana (L) C-Sec. chu Kolasibah a zin. ■ Mary Lallawmzuali d/o Zoliana, V-Sec. chu Kolkata-ah in check up in a nu nen an kal. ■ Pu B. Lalrammawia, V-Sec. chu Kolkatta-ah a mit zai a ni a, a nupui leh a fapa in an kal pui. ■ Pu Robert Lalfamkima, V-Sec. chu thil pawimawh buaipuiin Guwahati-ah a zin. ■ Pu K. Vanlalnghaka, K-Sec. chu Sunday School Training pe in Thenzawlah a zin. ■ Nl. Lalzirliani d/o C. Lallawmsanga, N-Sec. chu chawlh hmangin Chicago, USA atangin a lo haw. ■ Pu Z. Zomuanpuia, T-Sec. chhiattawh avanga Thingsulthliah a zin chu a lo haw leh ta. ■ Pi Lalhmingliani Hmar w/o C. Lallawmsanga, N-Sec. thil pawimawh buaipuia Chennai zin chu a lo haw leh ta.	 DAMLO ■ Pu Malsawmthara, K-Sec. chu Greenwood Hospital-ah admit a ni. ■ Pu C. Lalchungnunga, N-Sec. chu ZMC-ah enkawl mek a ni. ■ Tv. Malsawmdawngliana s/o Laltlanliana, V-Sec. chu Ebenezer Hospital ICU atangin Ward-ah sawn a ni. ■ Pu Lalmalsawma Sungte, V-Sec. chu BP sang avangin Greenwood Hospital-ah enkawl mek a ni. ■ Pu Lalbiakdika, C-Sec. chu pumpui ulcer avangin Synod Hospital, Durtlangah enkawl mek a ni. ■ Pi Lalnunsangi Varte w/o HD Ngurhrima S-Sec. chu Civil Hospital, Aizawl atangin a lo chhuak. ■ Lalpekhlua s/o Freddy Lalremsanga K.Sec. chu Dengue natna vangin LRM Hospital-ah enkawl mek a ni. ■ Er. R. Lalthakima, T-Sec. New Delhi a zai chu in lamah inenkawl chhunzawm turin an lo haw leh ta. A fapa Er. Zosangliana'n kalpui.  CENTRAL YMA THU ■ Ni 20.11.2025 (Ningani) zan a Mara Thyutlia Py (MTP) General Conference 2025, Siaha District chhunga Chapi khuaa neih tak ah Central YMA atangin President Pu R. Lalngheta leh Finance Secretary Pu MS Ralte te bakah CEC Member pathum leh Central YMA Cultural Performing Troupe te an kal a. ■ Central YMA Office-ah Mizoram Gorkha Mandir Sanchalan Samiti Bazar Area (MGSSBA) hruiatute leh NGO Coordination Committee a tel Central YMA, MUP, MHIP, MZP leh MSU President theuh te bakah Central YMA aiawh te an inkawm a, Assam Rifle chhuahsan tak Hari Mandir, Canteen Kual, Dawrpui chu MGSSBA ten Prime Minister of India hnena neitu nihna leh hman zui an dil chungchang an sawiho. ■ Central YMA Office-ah Aizawl City Local Council Association hruiatute an rawn leng a, Central YMA OB ten an lo dawngsawng a, ILP, Dan lova hnam dang sumdawng tam lutuk leh Ruihhlo Do, Aizawl khawpui chhung Motor kawng thawmthat mek chungchang an sawiho. ■ Central YMA Committee Room-ah Central YMA OB, Central YMA Office leh Sub-Hqrs. YMA Office-a thawktu ten Joint Meeting an nei. ■ Aizawl SP-in a Pisa-a leng tura Central YMA OB te a sawm angin an leng a, Krismas leh Kumthar vuakveta dan leh thupek kenkawh chungchang an sawiho.	 KEIMAHNI ■ Local Council te chuan kan thingpui inna tur pawisa tam tham tak min pe, kan puarin kan fanhle. An chungah lawmthu kan sawi e. ■ Inleng duhawm tak Pu Valtea, kan President hlui a lo leng a, karleh lama kan thingpui inna tur min la pe zui. Kan lawm em em a ni.  LAWMAWM ■ Lalramhmachhuana s/o B. Lalhlimpuii, K-Sec. leh Ramneihsangi d/o Lalliantluanga (L), Darlawn te chu Ni 20.11.2025 (Ningani) khan Ramhlun East Presbyterian Kohhran Biak Inah an innei. ■ Angelina VL Remruati, C-Sec. leh Vanlalhruaia, Dawrpui West te chu ni 20.11.2025 (Ningani) khan Hotel Ransam-ah an innei. ■ Emanuel Lallawmkima, V-Sec. leh Lalhruaitluangi, Darlawn te chu ni 21.11.2025 (Zirtawpni) khan Ramhlun North Presybyterian Kohhran Biak Inah an innei. ■ Pu R. Lalrempuia leh Pi Eileen Laldinpuii, N. Sec. te chuan ni 13.11.2025 khan Seventh Day Hospital-ah fanu an nei thar.  THILDANG ■ Lehkhabu Tlangzarh: Vawiin hian Rev. Vanlalnghaka Ralte lehkhabu ziah “Paula Zirtirna leh Tunlai Khawvel” leh “Redemption of the Body in the Theology of Paul” tih chu Ramhlun North Presbyterian Kohhran Hall-ah tlangzarh a ni.  PAWL DANG ■ RSC: Eddy Lalmuanthanga Memorial 3X3 Basketball Tournament chu vawiin khan RSC Field-ah khelh a ni a, he tournament-ah hian RSC Basketball Coaching kal ten an khel a ni. Karleh Inrinnei tlai dar 3:00 - 5:00 hian Basketball coaching neih leh tum a ni a, Basketball a tui te a duh apiang tan he coaching hi chhim theih a ni e. RSC Field Kotlang Shed chu repair mek a ni a, hemi siam nan hian Pu Robert Lalfamkima, V-Sec. chuan siamthatna tur pawisa min pe a, a chungah lawmthu kan sawi a. Tin, Dr. Joseph Lalhmingliana'n a tul ang ang pawisa min hmantir avangin a chungah lawmthu kan sawi bawk a ni. ■ JAC: Joint Action Committee, Ramhlun North Genral Secretary atan Tv. Lalthanchhunga, T-Sec. chu ruat thar a ni. JAC te hian vengchhung alo him theih nan duty tan an tum tawh a, vawiin tlai hian committee hmasaber neiin chawhlui an kilhonghal.  KOHHRAN ■ Presbyterian Kohhran, Ramhlun North: Ni 21.11.2025 zan khan Social Front Committee, Ramhlun North Presbyterian Kohhran hmalaknain Nu leh Pa Seminar neih a ni a, fa enkawl chungchang leh tunlai a kan harsatna hrang hrang te zirho a ni. ■ BCM: BCM Ramhlun North chuan Zirtawpni atanga tanin Pathianni zan thleng awh tur Aizawl North Area Baptist Council an thleng.

MARYMA

PHEK 4-NA

RN YMA CHANCHINBU

ARTICLE

Covid Hripui kha

- Dr. Siampara, T-Sec.

1. Hripui lo lian pâ ang ka dang zo lo, Sâng tam tlûkna thlentu a huangtau lua; A phûl bulh bulh chhûng tin rûn chhûng a fan, A pui a pang, mitin a man zêl e; Lal leh khâwnbâwl, damna puithiamte tân, Hridai tâwn tlang, lu tihaitu a tam lua e.

2. Pheisen râllian a hrâng leh ta em ni? Min dâwn kirtîr ram buai hunlai nite; A chul ruai e kan vângkhaw pêrpui dung, Chhûngtin naufa âwk ang min kharkhip e; Vau thing zâra phungnu a au angin, Thinlai thawngtu kawvit a rûm hum hum.

3. Kharkhip nite a rei, a zing lua e, Ei tûr, chakkhai tinreng a zo duak duak! Hruaitu leh tlawmngai pawlten bân pharin, Inhnangfak nân 'sêm sêm dam dam' an ti; Tlawmngaite thilpêk paw'n kori a tu, Rethei chhuanchhamte tân a hlu ngei e.

4. Kawvit hrângin a man ngaih lai zuapa, Piallei thuahriat kârah a liampui ta! Lungduh chinlai naute hrên ang tângin, Khartúng phenah an tawm lunglai nân; Luaithli nûlin an rûm, awmhar riangte, Hmangaih liam tûr ngaihhru i a rem lo ve.

5. Damna pâwl lian tângkhawm an thawhhlawk e, Châwl lovin an tâng hripui râl bein; Damna rûnpui an rem kawvit vei tân, Mahni nunna an thap damlote tân; An thawk zêl e harsatna kârah pawh, An thawhrimna tu nge fak lo awm ang?

6. Thalai Tlawmngai pâwl paw'n theihtawp chhuahin, Hri kaite dap chhuakin an khung hrang zêl, Thawktute tân kut-ke rinawm an ni; Mi harsate tân lah kawng tinrengah, Tanpui vartu rinawm, hnai reng an ni, Pi-pu chena chhuanvawr, an hnung tawlh lo.

7. Lo neitute hmalákna a ropui– Ei tûr tinreng khawpuiah thiâr lutin, Harsáte tân malsawmna hlú an ni; He'ng harsatna kara tãnhona hian, Zofate inpumkhatna tlâng chhipah, Min lâwn kaipui, âw, a va hlu si em!

He chham hla hi covid hripuiin Mizoram min sawisak dân leh thawktuten an beih dân hriat reng nâna buatsaih a ni. Hla a nih avângin a tawi thei anga dah a ni a, a fun kim mawh hle.

Mizo zinga case hmasa ber hian a tuar na hle a, nikhaw hre lova ni eng emaw zah enkawl a nih hnuah dam taka chhuahtîr a ni. Ani atâng hian hri hi a darh lova, mi dang vei an awm leh meuh chu a dam fêl hnu, June ni 2, 2020-ah chauh a ni. Hei hian thawktute fîmkhur thât tawkzia a lantîr a, a lawmawm hle.

Covid-19 hri kai zat leh thihpui zat kha May ni 10, 2023 thlengin ka chhinchhiah a, a hnuah pawh an la awm belh zêl nain pandemic anga ngaih pawimawh a hlawh tak vak loh avângin report a mumal vak tawh lo. May ni 10, 2023 thlenga hri kai leh mitthi zat chu hetiang hi a ni :

Khawvel -
Hri kai zat - 687,959,850
Mitthi zat - 6,871,929
Mitthi/1000 cases - 9.99
India –
Hri kai zat - 44,971,469
Mitthi zat - 531,692
Mitthi/1000 cases - 11.82
Mizoram -
Hri kai zat - 239,175
Mitthi zat - 729
Mitthi/1000 cases - 3.05

Mizoramah hian hri kai kan tam hle a, Northeast-ah Assam tih lohvah chuan kai tam ber kan ni. Mahse, hri kai 1000 zela mitthi zat chhûtnaah hian kan tlem leh hlauh thung. Hei hian a entir chu hri kai hmuh chhuah kawngah kan thawk tha a, a veite enkawl kawngah pawh kan tichhe hran lo tih a kawk thei awm e.

GRACE HOME

HYBRID INTERNET FTTH

Mb:7005670377

Speed	Data	Per Months
50Mbps	Unlimited	Rs 500/-
70Mbps	Unlimited	Rs 600/-
100Mbps	Unlimited	Rs 750/-
150Mbps	Unlimited	Rs 850/-
200Mbps	Unlimited	Rs 1000/-
300Mbps	Unlimited	Rs 1500/-

Price Inclusive of GST

Grace Home Christmas Discount

1. One Month (1) Free

2. Connection (Router 5G)

Rs 2500/-

Ph: 8974005217

7005670377

Grace Home

Hybrid Internet

Ramhlun North, Aizawl

KC TUI

Tui thianghlim tak PHE a quality test thlap, PickUp-in 2,000 litre kan pe thei reng e. Ramhlun North veng chung tan discount kan pe e.

Ph: 7005010327 / 9774223462

(10-6)

SP TUI

Tui hna thianghlim, ei leh in tlak, litre 2000 pickup trip kan pe thei e.

Mobile: 9615789047

(5-4)

JM SEPTIC TANK SEVICE

Septic tank khat paih fai, comode block, pipe fit, soak pit tha lo leh a thar pawh kan siam thei reng e. Kan sulhnu a fel fai a, service hlun leh rintlak kan ni e.

Rate: inbiak remna.

Registration: MRS 542

Contact: 9862476439 / 9436199884

(10-5)

SAWMA SEPTIC TANK SERVICE

Septic Tank khat paih fai, commode block, pipe fit, soak pit thar siam engkim kan ti thei e.

Rate: Inbiakremna

Ph: 8119969364

(10-5)

KHIANGTE SEPTIC TANK SERVICE

Septic Tank khat paih fai, Comode Block, Soak pit, Pipe Fitting, Repair engkim, khur chhung lutin, a neitu te lungawi na thlap in kan thawk thei e thawk thei e

Contact - 9862344971 Bawngkawn South

(20-5)

L.H SEPTIC TANK SERVICE

Septic tank paih fai leh repairing engkim kan thawk thei e. Kum 17 chuang experience nei kan ni e.

Rate:4500 per trip

Ph.6909183193

(30-24)

TLUANGTEA SEPTIC TANK SERVICE

Septic tank khat paih leh repair kan ti thei reng a, rate chu inbiakremna a ni ang.

Contact: 6033373188/9612376373

C/o Marina: 9436140350

(5-2)

FANAISEPTIC TANK SERVICE

Septic tank paih fai leh repairing engkim kan thawk thei a, experience tha tak kan nei e. Rate hi INBIAKREMNA

Mb. 9863524969/ 9366506115

(5-1)

8794634839

PH. NO 8794634839

MONTHLY FEES: RS 2000

TINGTANG PERH LO

ZIR VE RAWH LE

Music zir tur hian kum bithliah a awmlo va, thiam duh na i nei hrim hrim emaw, in faten thiam se in duh chuan tanpui tur che in kan awm reng e.

Published & edited by Eddie Lalfakzuala for and on behalf of Ramhlun North Branch YMA. Copies- 1,270

MARYMA	PHĖK 5-NA	RN YMA CHANCHINBU
RAM LEH HNAM HUMHALH Pathianin ram min pe a, hnam angin min siam bawk a. Khawvel-ah hian ka ram tia sawi tur nei lo an awm ðeuh. Kan ðenawm lawk Myanmar-ah pawh Rohingya Muslim te a nuai tel tehmeuh an awm. Burma hovin an duh lo va, Bangladesh in an duh hek lo, an hnamin ram tih tur an nei ve lo. Keini chuan Mizoram kan neia, kan tlangram hi a chhengchhia a ni ngawt lo, a mawi a, a boruak a nuam a, hei tluka hmun duhawm hi a awm chuang lo a nia. Burma (Kawl) chuan Zohnahtlakte hi 'Chin' tiin min ko a, chu chu British-in hmang vein Burma lama Zohnahtlakte chu Chin tiin an sawi ðhin a. Chuvangin Burma lama Zohnahtlakte chu Chin tia hriat an ni. Burma hi an independent hnuah sipai rorelna hnuايا an tluk luh leh thuai avangin Kawlin Chin tia an sawina, Sapin an chhawm chu Kawl sipai rorelna mipui awpbehna nasa tak hnuayah chuan a nghet tulh tulh mai a ni. Politician leh hnam hruaitu zingah pawh Zohnahtlak zawng zawng huapzo hnam hming chu Chin a ni tih ngaihðan a nghet hle. A chhan chu hnam bil hrang hrangin anmahni inkoh dan leh hriat dan hrang hrang a neih vang a ni ber. Bengali-hoin tlangrama cheng Bengali tawng thiam lote hi Koongky tiin an sawi ðhin a, chu chu Saphoin kaihlekin Cuci/Kookie/Kuki/Kukie titein an sawi a, chutianga an sawi ber chu Zohnahtlakho hi an ni. Mahse, Zohnahtlak chu an han hre chiang deuh a, New Kuki leh Old Kuki tiin an ðhen a, an hriat chian leh deuh hnuah Lusei tih thumal an hmelhriat a, chu chu tuna Mizorama chengho sawi nan kaihlekin Lushai an ti a, mahse, an han hnimhnaih leh deuh khan Mizo tih thumal an han hmelhriat leh a, chuvangin an chanchinbu hmasa hmingah pawh Mizo leh Vai Chanchin/Chanchinbu an rawn ti chhuak a ni. Zohnahtlakte hi Manipur, Bangladesh ah te pawh kan inzarpðarh a, kan thenawm Tripura-ah pawh kan tam mai. Umbrella khatah awm ila, hnam tlem kan ni hauh lo. Heng kan unaute nen hian common market te kan neih a ngai. India sorkar atangin pawisa a lo kal a, kan hre theuh. Mihring kan pung a, sum lo kal hi kan indaih lo tial tial a ni mai thei. Chuvangin sum lo lut hi kan peipun ve zel a ngai a, chumi atan chuan mihring kan tam a, market lian a ngai. Market erawh chu kan thlan uluk a ngai ve bawk. Hnam anga inzawmna kan neihpui hauh loh leh kan inhralh ve theihna tur ni lo Vaite leh kan unaute hi bawm khata khung chi chu an ni lo. Tin, market hi khawih theih bungraw hralhna chauha ngaih tur pawh a ni lo, culture – heng music te, literature, etc te khawvel pawh khawih theih ni si lo a sumdawmna item-a a telh chu an ni. Tam nih hian hlutna sang tak a neih avangin intihletleta rilru zim taka Mizo tia Aizawl chauh kan chhut chuan market saturation a nasa telh telh a ni mai. Khawvelah hian tam hi a ðul a, Mizo hi hnam tlem kan ni lo, ðendarh kan nih avanga tlem mai kan ni, tiin Historian Pachhunga University College a thawk mek Dr. Vanlalremruata Tonson chuan a sawi. Khawvel hi tun angreng a ni dawn lo. Burma hian an political problem solve hun an nei ang tih rin tur a ni a, tuna an awm ang hi an peih reng lo ang, an peih lo mek bawk. History-ah hian kum 100 hi rei lotê a ni a, a hunlai erawh chuan permanent tur emaw kan ti zel ðhin. Sailo lal kum 500 chuang rorel a, ni leh thla kara leng an mipui movement avangin an tlawm a, khawchhak Zo hnahtlak lalte pawh an tlawm, Manipur-a Zohnahtlak lal te pawh an thuneiha a hniam tial tial a, lal chi mumal pawh an awm tawh lo. Ni tla seng lova roreltu British meuh an tlawm a, democracy hmuchhuaktu leh an ro khawmtu tia sawi mai tur Roman te pawh an tlawm vek. Tuna kan ðhenawm Zohnahtlakte political problem hi solve a nih hunah tuna Mizoram-a chengte hi mamawhna a nasa viau mai thei. Sorkarah establishment thar a awm ang a, rinaiin indaih a har ang a, sumdawmna kawng a inhawng thar ðeuh ang a, sumdawng leh sumdawng hnuayah thawk tur mihring mamawhna a nasa ang. Chuvangin tuna kar lo siam ngawt hi a fuh ber lo. Kan unaute nen hian neuh neuh chu kan nei tehmeuh mai. Ruihhlo chungchangahte, dan chungchangahte. Hengah hian kan unaute do loin ruihhlo leh bawhchhiatna te kan do thei a ni. Mi ðhenkhatin ruihhlo an huat luatah kan unaute do a, ramri hung thlengin an sawi. Ramri hung a nih hian a hungna dai siam leh enkawl nan kawngpui a awm ngei ngei a, chu chuan ruihhlo tawlhna kawngpui ðha a siam hlauh thei. Tunah hian ruihhlo hi kawngpuiyah hlir a ni a rawn kal. Dan bawhchhiatnaah hian a khual a tual thliar tur a ni lo a, ruihhloa sumdawmna hi dan bawhchhiatna a ni. Ruihhlo tih hi dan bawhchhiatna a ni lo mai thei, mahse, ruihhlo ti tura mikhual an lo kal chuan dan kenkawh kawngah kan hlawchham a ni ang. Ruihhlo ti an awm chuan a zuar an awm tihna a ni a, a zuar awm loin a ti an awm thei lo bawk. Hemi chungchangah chuan a khawtual leh sorkar dintuten mawh kan phur. Kan unaute lo mikhual lo pawh ni ila ruihhlo chu a awm thoin a rinawm. Chuvangin ruihhloa inhnamhnawih ve lo kan unaute nena kar lo siam hi a ðul ber lo.		
Ram leh hnam hmangaih? Mizo hi hnam tlem kan ni lo, politics thila ðendarhna avangin unau hmelhai kan nei fo hian min ti ðarh zual zawk. Zohnahtlak te hian kan ram, kan hnam kan hmangaih a ngai a, kan dah chung nun a ngai. Chumi tur chuan Mizonain a ken aia upa zah, tlawmngaihna, rinawmna, taihmakna, dikna leh hawihawmnate kan chhawm nun zel a ngai, heng te hi Zohnahtlak hnam hrang hrang leh tawng hrang hrang nei te hian kan kalpui vek. Tanpui ngaite tanpui te hi khawvelin hnam danglam tia a tha zawnga min hriatna mawi em em a ni. Hengte hian hnam min vawng a, min chawisang a ni. 'Nghah loh ðawr' avangin Mizote kan lar a, kan hnam hi hnam tha, hnam duhawm, rinawm leh fel kan ni. 'Mizo te chu...' tia thil duhawm lo a thlen hlek a, inpuha 'chhe taka' inchhuah te hi tih loh a duhawm. Tlawmngaihna tlukpui hi a awm mahna, mahse, 'tlawmngaihna' hi Zohnahtlak te ta bik liau liau, mawi leh duhawm a nihna hi khawvelin a hriat a ngai. Hnam hrang hrang hian hnam anga nunphung duhawm tak tak an nei fur. Japanese te pawhin Ikigai, Kaizen tih te an nei a, Finnish ho Issu te, Swedish ho Lagom te, Danes hovin Arbeljdsglaede an tih te, Norwegian tena Friluftsliv an tih te, Dutch hovin Gezellingheid an tih te, Icelandic hovin Gluggaveour an tih te pawh khawvelin an danglamna tihsakin an pawm a, an ngaihsan phah mai a. Chutiang bawk chuan Mizo tena kan neih hlu em em chu tlawmngaihna a ni a, translate kual vak tum tur pawh a ni lo, 'Mizo nunphung' kan nuna bet tlat tiin hre mai se, hnam anga 'raltiang ram' kan kai nana pawimawh chung chuang a ni a, Mizo ziaa kan chhawm nun tur pawimawh ber chu 'tlawmngaihna' hi a ni ngei ang.		
Kan ram hi Pathian min pek a ni Mizo te hi Pathianin hnamah min siam a, kan chenna hi kan ram atana min pek a ni. Mizote chu hmun khatah chauh kan cheng lo va, hmun hrang hrang, ram hrang hranga cheng kan ni a, chuti chung chuan kan chenna theuh hi chu kan ram atana Pathian min pek a ni. Kan ram ni lo ram danga kan va chen chuan pem kan ni a, anni pawhin chutiang chuan mi lo enkawlin dawng sawng ðhin. Khawvel hnam lianten ramri an siam avangin keini Zohnahtlakte ram pawh ðensawmin a lo awm a, kan unaute ngei pawhin ram dang mi hmuhin kan hmu fo a, kan inunauna sawi fo a ngai a nih hi. Kan unaute mah kan ramd ang mi ang a keini ngei pawhin kan en theih chuan kan himna leh thlamuanna tur awm chhun chu Mizoram hi a ni, chumi dawtah kan unaute luah ram. Chuvangin Mizoram hi kan hmangaih a, ram nuam leh ðha ber nia kan hriat ang a awm theih nan theihtawp chhuah ðeuh hi kan tih tur a ni. Keiniin kan chenna apiang hi kan ram kan lo ti a nih pawhin khawvel mihring tam zawk leh ram neitua inngaite hian kan ngaihðan min tawmpui lo. Ram dang hi ngaisang eng angin chen tum pawh ni ila la hnawh chhuah theih kan ni tho ang.		
Engtin ram chu hmangaih tur Ram neitu chu hnam a ni. Inrelbawlna ðha nei hnam chu an vannei a, an khawsaho thiam a, an inhmanngaih tawh a, chu chuan tutan pawh thlamuanna a thlen. Hemi kawngah ngat chuan Mizote aia vannei an awm ang em? Kan chhawm nun leh nun loh zawk hi a pawimawh ber ang. Tlawmngaihna avang hian mi rethei bak berh ber pawh a thla a muang a ni lawm ni? YMA a awm chhung chuan tumahin vuitu neih loh emaw retheih lutuk avanga invui theih loh an hlau lo ang. Khawhar lenpuitu leh hnemtu neih loh a hlau lo ang. YMA nei lo hnamte pawh an inhnem tho a, an inlenpui tho kan ti mai thei. Mahse, YMA hian ani mi hrut rual a, mi chuang awm lo tura min siam a, lenpuitu,		

MARYMA	PHEK 6-NA	RN YMA CHANCHINBU
buaipuitu leh hnemtu i nei ngei ngei dawn tih tiam che. Lainat chetute i hnen an rawn thlen theih nana kawng siamtu chu YMA a ni a, lainatu che puntirtu pawh YMA bawk. Vawi tam tak ngaidamtu che leh i tlin lohna leh fel lohna hliah khuh a tuam mawitu che chu YMA tho. Awm lo ta se lainatu che ngei pawh i hnen a rawn thleng lo an tam ngawt ang, hliahkhuntu tur che i zawn leh siamchawp a ngai ang a, a then tan chuan a huphurh awmin a harsa ngawt ang. YMA bakah YLA (Young Lai Association) leh MTP (Mara Thyutlia Py) te pawh an awm. Heng ho pawh hi an awmna hmunah chuan YMA ang chiah an ni. Heng khawtlang inrelbawlna pawl lian tak takte phena awm chu Kristian Kohhrante an ni. Hrang lutuk ang a ngaih leh en tur an ni lo ve. Mizote ropuina zawk a ni. Zohnahtlak zingah chi peng hrang hrang kan awm a, Mizoramah lungrual takin kan cheng ho a, a tam zawk YMA-in a kaihhruai a, a then chuan anmahni pual deuhin inkaihhruai dan an lo nei a, thlamuang takin mahni hmunah an lo awm ve mai a ni. YMA kaihhruaiah pawh chi peng hrangte chu an awm ve tho a, thlamuang, phur leh rinawm takin an awm thei a ni. Chi peng hrang awm ringawt hian kehdarhna leh inlungrual lohna a kawk nghal run kher lo. A tam zawkah chuan inthlawp tawinna a ni kan la hmuh ni. Inral lo ila, mahni hmun theuhah Mizoram tan tang fan fan theuh ila. Kan inral a, kan inenhran chuan lehlam an lo tang a, kar khi lo tur khi kan siam leh thin. Kan thenawm Manipur hi en ila. Chalrang leh Ralleng kan tihte, Mosolman leh Zohnahtlak te state pakhtah khung khawm an ni a. A tam ber Chalrang-in midang an en hran avangin lungawi lohna a inmung a, an buai thin. May 3, 2023-a Zohnahtlakte leh Meitei kar a buai hnuah phei chuan eng tikah nge Manipur a keh darh ang tih hi an hmabak a ni deuh der. Chalrang hian Manipur state hum tumin an bei leh tang tang a, eng emaw chen chu hum thei mah se May 3, 2023 ser hi a pun thar leh thinin an la keh darh nge nge ang em tih hi zawhna lian tak a ni ta. Mizoramah chuan Zohnahtlak leh Zohnahtlak lo pawhin an chanvo an hmu rih a, autonomous district council te pawh pawn lam atanga tihbuaina awm lovin tluang takin an kal thei a ni.		
Mi thenkhat chuan Sap tawng thiam, mithiama ngaihte hi sim ang u, a zahthlak. Sap tawng hi tawng pakhat a ni mai, mithiam chu an dang daih. Sap tawng thiam tur, Hindi pawh thiam tur, mithiam nihna erawh a ni lo. Kan fate'h Mizo tawng aia tawng dang an thiam a nih phei chuan 'Bo Double in kan bo' tawh tihna a ni. Mizo an nihnaah an bo tawh phawt a, hnam dang an ni chuang bawk si lo. A 'class' lo heih heih viau, a zahthlak! Mizo te ngei hian kan hnam hi kan hmusit emaw dah hniam ni hian a lang thin. I chawisang zawk ang u. Tunlai khawvela ram hrang hrangte inelna ber pakhat chu an tawng tihlar lamah a ni. Korean tawng lar te hi an sorkar in theihtawpa a kalpui avanga Mizoram thleng thlenga Korean tawng lo hre nel nual kan tam. Mizo lehkhathiam hian a Mizo pui tawng dang thiam lo a hmuhsit a thiang lo, thing a tih a thiang lo mai ni lovin a zah tur a ni. Mizo ah tawng peng hrang hrang a awm a, chungte pawh chuan a nawlpui anga kan hman tlanglawn Duhlian thiam an tum tur a ni. Chibil te te a ruahmanna siam te khap sak tur a ni lo, chutihrualin kan zavaia kan inbiak theihna hi chawi nun a tul. Kan ram hian changkanna tura hmachhawp a tawng zel dawn. Rel a lo lut tawh a, inkalpawhna a tha zel ang. Mahse, he ram, he hnam hian kan tih thin dan te hi rinawm tak leh urhsun takin kengkawh ang u. Tlawmngaihna nunpui ram kan nihna te hi kalpui zel ang u. Vai emaw, American emaw, English emaw German pa emaw an nunphung in Mizo nunphung a luahlan remtih tur a ni lo.		
India rama awm tura Pathian ruat kan ni India ramah kan awm mek a, India rama awm chungin Pathian pek kan ramah ngei kan awm a, engti kawng pawhin kan ram leh hnam hi kan humhalh tur a ni. India ram hi kan awmna tura Pathian min ruatsak a ni tih pawm a tha. India hi Hindu ram a ni lo va, India hming hi Bible atanga lak zawk a ni. "India" tih hi a Hindu miah lo va, Bible min pek zawk a ni. (Estheri 1:1 leh 8:9) Kum 1492 khan Christopher Columbus chuan Spain atanga tei chhuakin "India" hmuhchhuah tumin chet a la a. Khatih laia European explorer te khan Latin Bible a (Estheri 1:1 leh 8:9) an chhiara India an hriat atangin hmuh chhuah an tum a ni. Estheri hunlai khan Persian lal ram khan Sindhu, tuna Pakistan ram te hi a huam vek. 326 B.C. a Alexander the Great an "India" a tlawh tih Persian empire te atanga an hriat khan Europeans te chuan India ram tlawh leh hmuh chhuah kha an atchilh an ti. Christopher Columbus khan India a zawna kawngah America hmu chhuak thungin America a lo cheng sa te chu 'Indian' tiin a vuah nghe nghe a tun thlengin 'Red Indian' tih an la ni ta reng. Christopher Columbus an America a hmuh chhuah hnu kum rukah European explorer tho Vasco da Gama chuan kum 1849 khan India chhim thlang lama Kerala state a Calicut a rawn chuang chhuak ta a ni. Vanco da Gama an India a hmuh chhuah khan chuta lo cheng te chuan "Indian" tih tawngkam an hre lo va, Indian an inti hek lo. Kum 1600 thleng khan India tih tawngkam chu hman lar a ni hek lo. Kum 1600 a British sumdawng tena british East India Company an din leh a hnu kum hniha Dutch sumdawng tena Dutch East India Company an din khan an tum ber chu tuna 'India' ram nena sumdawn ni lovin "Indian Asia" tia an ngaih tak tak zawk "Indonesia" nena sumdawn zawk a ni. Dutch te khan Indonesia an tlawh pawh hmasak zawk avangin British te khan South Asia thlurbing ta zawkin modern India pian theih nan chet an la zui zawk a, zawi awiin India hming chu a lar chho ta a ni ber. Hei vang tak hian Hindutva te chuan India tih hming hi an ngaina lo, an duh lo hle a. Political nation-state anga India a pian theih nana hmalakna hi Vanco da Gama an a hmuh chhuah atanga kum za thum hnuah Protestant missionary, civil servants leh an kaihhruai te hmalaknaa piang chauh a ni. India hming hi Latin hming a nia, Himalaya tlanga hnar nei tuna Pakistan a luang ber zawk Sindhu luipui atanga irhchhuak a ni. Tunah chuan he lui hi Indus tih a ni a, hmanlaia Sindhu leh a chhehvel awptu Persian te khan "S" lam harsa an tih avangin Sindhu tih aiin river "Hindu" tiin an lam a. Persian te khan river Sindhu leh a chhehvel sawi nan Hindustan an ti zui bawk a, hei hi duh lovin tun hnaia Hindu scholar te chuan an sakhua pawh "Hindu" tia sawi an duh lo. Chu ai chuan Buddhist tena Hinduism an sawi dan 'Sanatan' tih chu an thlang zawk a ni. September 18-22, 2023 khan Centre a BJP sorkar chuan Special Session of Parliament ko thutin khata a tum ber chu constitutional amendment hmanga "India" tih paih a tum a ni. Mahse, constitution amend turin vote mamawh a nei tawk lova a hlawhchham mai chauh a ni. India chu Hinduism chuan non-Indian hming a nihna chu an teithei ngai dawn lo. Hebrew Bible in Persian Hindu chu Hodu tiin a thlak a. A hnuah Greeks ten Persian Hindu tih chu Indu emaw Indike tiin an lam leh thung a. Western Europe Latin Bible chhiar te chuan Greek Indu, Indic, Indike tih chu India tiin an lam ta vek a, hei hi India tih a nihna chhan chu a ni. Father of Modern India pawh Hindu scholar ten Raja Ram Mohan Roy an tia, a nihna takah chuan Kristian missionary William Carey zawk a ni. Vawiin India a awm theih nana sulsutu pawimawh tin te chu Kristian te an ni zawk. India hi Hindu lal ram a ni lo va, hnam hrang hrang sakhaw hrang hrangte chenna zawk a ni. India-ah hian Mizo te hi kan inthlahrunna tur a awm reng reng lo. Mizoram hi Kristian ram a ni. Mizoram siamtu ber chu chanchintha a ni a, chanchintha in zirna, kan A Aw B atanga changkanna te engkim min pe. Hindu tamna rama India state pakhat danglam tak kan nihna te hi chawi nungin tihmasawn ang u. Pathianin ram leh hnam min pe a, inunauna, inthenawm khawvenna duhawm min pe a, hnam dang neih loh 'tlawmngaihna' te kan nei a. Kan ram sik leh sa nuam leh mawi tak te hi kan chhuang tur a ni. Ram mawi leh danglam min pe a, kan lui dungte, kan ram ngaw mawi danglam te hi kan tihchereu a rem lo, kan rama nungcha leh thing leh mau te hi kan humhalh zel hi siamtu duhdan a ni ang.		
Issued by RAMHLUN NORTH BRANCH YMA KUMPUAN SUB COMMITTEE		